



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**

Broj: 01-40-528-1/21  
Sarajevo, 12.03.2021. godine

**SKUPŠTINA KANTONA SARAJEVO**  
n/r Elvedin Okerić, Predsjedavajući Skupštine  
**- o v d j e -**

**PREDMET:** Odgovor na zastupničko pitanje, dostavlja se.-

**V E Z A:** Vaš akt broj: 01-04-6550-14/21 od 03.03.2021. godine

Poštovani,

Na 33. rednoj sjednici Skupštine Kantona Sarajevo, održanoj dana, 03.03.2021. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnik Senad Hasanović, postavio je slijedeće zastupničko pitanje:

*„Kada je posljednji put na teritoriji Kantona Sarajevo organizirana i održana vježba većih razmjera u cilju uvježbavanja specijalističkih timova za spašavanje nastradalih uslijed prirodnih i drugih nesreća a u koju su bili uključeni: Kantonalna uprava civilne zaštite, Profesionalna vatrogasna brigada, Policijska uprava, zavod za hitnu medicinsku pomoć, Gorska služba spašavanja i sl.?”*

*Da li su pomenute službe prema Vladi Kantona Sarajevo iskazale potrebu za navakom opreme i sredstava koji su nužni u uslovima zaštite i spašavanja stanovništva tokom stanja prirodne i druge nesreće?*

*Da li postoje ažurni planovi za spašavanje i evakuaciju civilnog stanovništva u slučaju razornog zemljotresa na području Kantona Sarajevo, da li su definisani mehanizmi za brzo osiguranje funkcionisanja sistema zdravstvene zaštite u uslovima nužne evakuacije bolesnika i osoblja iz objekata namjenjenih za pružanje zdravstvenih usluga (zgrade bolnica i domova zdravlja), te da li su definisane lokacije za brzu izgradnju šatorskih i improviziranih naselja uz osiguranje minimalnih uslova za privremeni boravak ljudi?“*



web: <https://kucz.ks.gov.ba>  
e-mail: [kucz@kucz.ks.gov.ba](mailto:kucz@kucz.ks.gov.ba)  
Tel: + 387 (0) 33 257-330, 257-335  
Fax: + 387 (0) 33 257-336  
Sarajevo, Fehima efendije Čurčića 1

## ODGOVOR:

U sklopu projekta „Zajedničko upravljanje procjenama rizika i pripravnosti dunavskog makroregiona – SEERISK“, u čijoj realizaciji su ispred Kantona Sarajevo zajednički učestvovali Kantonalna uprava civilne zaštite Kantona Sarajevo (u daljnjem tekstu: Uprava) i Sarajevska razvojna agencija SERDA, je 20. decembra 2014. godine u organizaciji Uprave uspješno izvedena simulaciono-terenska vježba „Zaštita od poplava“ na području Općine Ilidža u kojoj je učestvovalo oko 250 pripadnika struktura zaštite i spašavanja Kantona Sarajevo i Općine Ilidža (Uprave, Općinske službe civilne zaštite Ilidža, Štaba civilne zaštite Kantona Sarajevo, Općinskog štaba civilne zaštite Ilidža, Profesionalne vatrogasne brigade Kantona Sarajevo, Gorske službe spašavanja, kantonalnih i općinskih službi zaštite i spašavanja formiranim u zdravstvenim ustanovama, Crvenom križu Kantona Sarajevo i u pravim licima, te povjerenika i jedinica civilne zaštite Općine Ilidža), kao i pratećih službi za reagovanje u slučaju poplava (Ministarstva unutrašnjih poslova Kantona Sarajevo i JU Zavod za hitnu medicinsku pomoć Kantona Sarajevo).

Uredbom o organizovanju službi zaštite i spašavanja i jedinica civilne zaštite specijalizovane namjene Kantona Sarajevo („Službene novine Kantona Sarajevo“, br. 30/13, 29/19, 15/20 i 22/20), između ostalog formirane su: Služba za spašavanje iz lavina, potrage i spašavanje na vodi i pod vodom u okviru Gorske službe spašavanja, stanice Sarajevo, Služba za medicinsku pomoć u JU Opća bolnica „Prim. dr. Abdulah Nakaš“ Sarajevo i JU Zavod za hitnu medicinsku pomoć Kantona Sarajevo i Služba za zaštitu, spašavanje iz ruševina i raščišćavanje terena u okviru pravnog lica „Bosman“ d.o.o. Sarajevo.

U skladu sa članom 10. stav (1) navedene Uredbe, Uprava svake godine planira odgovarajuća sredstva u svom Budžetu iz sredstava posebne naknade za zaštitu i spašavanje koja pripadaju Kantonu Sarajevo prema članu 180. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljnjem tekstu: Zakon o zaštiti i spašavanju), za nabavku opreme, tehničkih i drugih sredstava za službe zaštite i spašavanja, kao i za obučavanje i osposobljavanje njihovih pripadnika. Opremanje službi zaštite i spašavanja i obučavanje njihovih pripadnika vrši se u skladu sa iskazanim potrebama službi zaštite i spašavanja i raspoloživim finansijskim sredstvima, a po procedurama propisanim Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12, 80/13 i 20/20) o čemu odlučuje Štab civilne zaštite Kantona Sarajevo.

Planom zaštite i spašavanja ljudi i materijalnih dobara od prirodnih i drugih nesreća područja Kantona Sarajevo, koji je donijela Vlada Kantona Sarajevo 27.02.2008. godine, između ostalog, kao jedna od mjera zaštite od zemljotresa predviđena je mjera evakuacija stanovništva.

Važno je istaći činjenicu, da je odredbama člana 65. Zakona o zaštiti i spašavanju, određeno da evakuaciju stanovništva naređuje štab civilne zaštite općine – ako se radi o evakuaciji s jednog na drugo područje općine, a štab civilne zaštite kantona – ako se radi o evakuaciji s jedne ili više općina na drugu ili više općina na području kantona, dok je odredbama člana 66. Zakona o zaštiti i spašavanju, određeno da provođenje evakuacije vrši štab civilne zaštite općine koja planira evakuaciju i štab civilne zaštite općine koja vrši prihvata evakuiranog stanovništva i to prema planu evakuacije i planu prihvata evakuiranog stanovništva, koji trebaju biti obavezno međusobno usklađeni, kao i da pored štab civilne zaštite u izvršavanju evakuacije učestvuju i službe za upravu



općine nadležne za prostorno planiranje i urbanizam, promet, zdravstvo i socijalnu zaštitu, snabdijevanje, stambeno-komunalne poslove, obrazovanje i druge službe, te da pri provođenju evakuacije ostvaruje saradnja sa policijom, humanitarnim organizacijama i privrednim društvima koja mogu pomoći u efikasnom izvršavanju evakuacije.

U skladu sa navedenim općine u svojim planovima zaštite i spašavanja, kao jednu od mjera zaštite od zemljotresa predviđaju mjeru evakuacija stanovništva, u čijim priložima se nalaze detaljni planovi evakuacije i planovi prihvata evakuiranog stanovništva.

U odredbama člana 32. Zakona o zaštiti i spašavanju, između ostalog, propisano je da su pravna lica iz oblasti zdravstva dužna organizovati i provoditi poslove zaštite i spašavanja, u skladu sa ovim i drugim zakonima, drugim propisima i općim aktima nadležnih organa, te da su u okviru svoje redovne djelatnosti obavezno provoditi odgovarajuće pripreme, donijeti i razraditi planove zaštite i spašavanja za svoje djelovanje u zaštiti i spašavanju, planirati i osigurati materijalno-tehnička sredstva za provođenje mjera zaštite i spašavanja, organizovati svoje snage civilne zaštite (štabove, jedinice i povjerenike civilne zaštite), opremiti te snage potrebnom opremom i sredstvima i osposobiti ih za njihovo učešće u zaštiti i spašavanju. U svojim planovima zaštite i spašavanja, pravna lica iz oblasti zdravstva bi u skladu sa navedenim odredbama i svojim procjenama ugroženosti od prirodnih i drugih nesreća, trebali utvrditi ukupnu organizaciju i način zaštite i spašavanja ljudstva i materijalnih dobara od prirodnih nepogoda i drugih nesreća i predvidjeti konkretna rješenja za slijedeće situacije (faze): fazu preventivne zaštite, fazu spašavanja i fazu otklanjanja posljedica. Sadržaj i način izrade tih planova zaštite i spašavanja utvrđen je u Uredbu o sadržaju i načinu izrade planova zaštite i spašavanja od prirodnih i drugih nesreća i planova zaštite od požara („Službene novine Federacije BiH”, broj 8/11).

S poštovanjem,



**DIREKTOR**

**Jasmin Terovic**

Dostavljeno:

- Naslovu
- a/a



web: <https://kucz.ks.gov.ba>  
e-mail: [kucz@kucz.ks.gov.ba](mailto:kucz@kucz.ks.gov.ba)  
Tel: + 387 (0) 33 257-330, 257-335  
Fax: + 387 (0) 33 257-336  
Sarajevo, Fehima efendije Čurčića 1